

Poslanica u Predstavničkom domu
Parlamentarne skupštine Bosne i Hercegovine
Sarajevo, 05. februar 2019. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 05-02-2020

Organizaciona jedinica	Klasifikaciona oznaka	Redni broj	Broj priloga
01	-50-	1-334	120

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
n/r Denis Zvizdić, predsjedavajući

PREDMET: Poslanička inicijativa

U skladu sa članom 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), podnosim poslaničku

INICIJATIVU

„da Ministarstvo civilnih poslova BiH održi hitan sastanak sa Ministarstvom uprave i lokalne samouprave Republike Srpske, entitetskim ministarstvima unutrašnjih poslova i entitetskim ministarstvima pravde kako bi se status djece povratnika iz Sirije čim prije riješio, odnosno kako bi se ova djeca mogla upisati u matične knjige i dobiti državljanstvo BiH, te na osnovu toga ostvariti svoja osnovna ljudska prava.“

O b r a z l o ž e n j e


Putem Ministarstva sigurnosti obezbijeden je povratak određenog broja žena sa djecom iz Sirije. Žene su državljanke BiH, međutim djeca su rođena u Siriji u tzv. šerijetskim brakovima, koje naše domaće zakonodavstvo ne prihvata kao građanski brak. Majke ne posjeduju nikakve inostrane dokumente sa činjenicama rođenja i podacima o roditeljima, tako da se mjesto i vrijeme rođenja ove djece, kao i krvna veza sa roditeljem tj. majkom koja ima državljanstvo BiH, bez materijalnih dokaza ne može utvrditi.

Iz ovoga proizilazi da se na teritoriji Federacije BiH ne može izvršiti upis činjenice rođenja i državljanstva u matične knjige, dok u Republici Srpskoj i zemljama okruženja postoje zakoni kojima se na sudovima u vanparničnom postupku mogu riješiti ovakvi slučajevi.

Napominjem da je određeni broj ovih žena rođenjem iz Republike Srpske, te su samim tim državljanke Bosne i Hercegovine, ali i državljanke Republike Srpske, a trenutno imaju prebivalište u Federaciji BiH. Stoga je neophodna koordinacija svih navedenih organa kako bi se ovaj aktuelni problem, odnosno status ove djece čim prije riješio, jer bez upisa u matične knjige djeca povratnika sa stranih ratišta ne mogu ostvariti svoja osnovna ljudska, a samim tim i djačija prava, kao što su pravo na državljanstvo, pravo na zdravstvo, školstvo isl. Obzirom da djeca koja su rođena u zonama konflikta nisu odgovorna niti za odluke njihovih roditelja da se pridruže terorističkim organizacijama niti za okolnosti u kojima su se jednostavno našli, obaveza BiH jeste da vrati, rehabilitira i integrira ovu djecu u društvo. Obaveza upisa djece u matične knjige i ostvarivanje prava na državljanstvo jeste osnovno pravo koje proizilazi iz UN Konvenciji o ljudskim pravima, UN Konvencije o pravima djeteta i Konvencije o državljanstvu.

Ministarstvo civilnih poslova BiH bi trebalo uspostaviti koordinaciju i inicirati da entitetska ministarstva pravde u zakonima o vanparničnom postupku normativno harmoniziraju i regulišu ovu oblast u skladu sa najboljim praksama Evropske unije, odnosno da se omogući djeci koji ne mogu dokazati mjesto, vrijeme i krvnu vezu sa roditeljem, da to utvrde u vanparničnom postupku kako bi se čim prije omogućilo djeci da dobiju BiH državljanstvo i ostvare svoja prava.

POSLANICA



Edita Đapo